

詠柳 賀知章

碧玉妝成一樹高，
萬條垂下綠私條。
不知細葉誰裁出，
二月春風似剪刀。

回鄉偶書二 賀知章

離別家鄉歲月多，
近來人事半消磨。
唯有門前鏡湖水，
春風不改舊時波。

登幽州臺歌 陳子昂

前不見古人，
後不見來者。
念天地之悠悠，
獨愴然而涕下。

回鄉偶書一 賀知章

少小離家老大回，
鄉音無改鬢毛衰。
兒童相見不相識，
笑問客從何處來。

登鶴雀樓 王之渙

白日依山盡，
黃河入海流。
欲窮千里目，
更上一層樓。

涼州詞二 王翰

葡萄美酒夜光杯，
欲飲琵琶馬上催。
醉臥沙場君莫笑，
古來征戰幾人回。

邊詞 張敬忠

五原春色舊來遲，
二月垂楊未掛絲。
即今河畔冰開日，
正是長安花落時。

涼州詞一 王之渙

黃河遠上白雲間，
一片孤城萬仞山。
羌笛何須怨楊柳，
春風不度玉門關。

出塞 王昌齡

秦時明月漢時關，
萬里長征人未還。
但使龍城飛將在，
不教胡馬度陰山。

九月九日憶山東兄弟 王維

獨在異鄉為異客，
每逢佳節倍思親。
遙知兄弟登高處，
遍插茱萸少一人。

過故人莊 孟浩然

故人具雞黍，
邀我至田家。
綠樹村邊合，
青山郭外斜。
開軒面場圃，
把酒話桑麻。
待到重陽日，
還來就菊花。

竹里館 王維

獨坐幽篁裏，
彈琴復長嘯。
深林人不知，
明月來相照。

鹿柴 王維

空山不見人，
但聞人語響。
返景入深林，
復照青苔上。

山居秋暝 王維

空山新雨後，
天氣晚來秋。
明月鬆間照，
清泉石上流。
竹喧歸浣女，
蓮動下漁舟。
隨意春芳歇，
王孫自可留。

相思 王維

紅豆生南國，
春來發幾枝。
願君多采擷，
此物最相思。

雜詩 王維

君自故鄉來，
應知故鄉事。
來日綺窗前，
寒梅著花未？

清平調詞 李白

雲想衣裳花想容，
春風拂檻露華濃。
若非群玉山頭見，
會向瑤臺月下逢。

黃鶴樓送孟浩然之廣陵 李白

故人西辭黃鶴樓，
煙花三月下揚州。
孤帆遠影碧山盡，
唯見長江天際流。

觀獵 王維

風勁角弓鳴，
將軍獵渭城。
草枯鷹眼疾，
雪盡馬蹄輕。
忽過新豐市，
還歸細柳營。
回看射鵰處，
千里暮雲平。

秋浦歌 李白

白髮三千丈，
離愁似箇長。
不知明鏡裡，
何處得秋霜。

下江陵 李白

朝辭白帝彩雲間，
千里江陵一日還。
兩岸猿聲啼不住，
輕舟已過萬重山。

將進酒 李白

君不見黃河之水天上來，
奔流到海不復回。
君不見高堂明鏡悲白髮，
朝如青絲暮成雪。
人生得意須盡歡，
莫使金樽空對月。
天生我材必有用，
千金散盡還復來。

登金陵鳳凰台 李白

鳳凰臺上鳳凰遊，
鳳去臺空江自流。
吳宮花草埋幽徑，
晉代衣冠成古丘。
三山半落青天外，
二水中分白鷺洲。
總爲浮雲能蔽日，
長安不見使人愁。

獨坐敬亭山 李白

衆鳥高飛盡，
孤雲獨去閒。
相看兩不厭，
只有敬亭山。

八陣圖 杜甫

功蓋三分國，
名成八陣圖。
江流石不轉，
遺恨失吞吳。

楓橋夜泊 張繼

月落烏啼霜滿天，
江楓漁火對愁眠。
姑蘇城外寒山寺，
夜半鐘聲到客船。

黃鶴樓 崔顥

昔人已乘黃鶴去，
此地空餘黃鶴樓。
黃鶴一去不復返，
白雲千載空悠悠。
晴川歷歷漢陽樹，
芳草萋萋鸚鵡洲。
日暮鄉關何處是，
煙波江上使人愁。

登高 杜甫

風急天高猿嘯哀，
渚清沙白鳥飛回。
無邊落木蕭蕭下，
不盡長江滾滾來。
萬里悲秋常作客，
百年多病獨登臺。
艱難苦恨繁霜鬢，
潦倒新停濁酒杯。

遊子吟 孟郊

慈母手中線，
遊子身上衣。
臨行密密縫，
意恐遲遲歸。
誰言寸草心，
報得三春暉。

塞下曲二 盧綸

月黑雁飛高，
單于夜遁逃。
欲將輕騎逐，
大雪滿弓刀。

春望 杜甫

國破山河在，
城春草木深。
感時花濺淚，
恨別鳥驚心。
烽火連三月，
家書抵萬金。
白頭搔更短，
渾欲不勝簪。

塞下曲一 盧綸

林暗草驚風，
將軍夜引弓。
平明尋白羽，
沒在石稜中。

烏衣巷 柳禹錫

朱雀橋邊野草花，
烏衣巷口夕陽斜。
舊時王謝堂前燕，
飛入尋常百姓家。

天淨沙 馬致遠

枯藤老樹昏鴉，
小橋流水人家，
古道西風瘦馬。
夕陽西下，
斷腸人在天涯。

晚春 韓愈

草樹知春不久歸，
百般紅紫鬥芳菲。
楊花榆莢無才思，
惟解漫天作雪飛。

浪淘沙 劉禹錫

九曲黃河萬里沙，
浪淘風簸自天涯。
如今直上銀河去，
同到牽牛織女家。

尋隱者不遇 賈島

松下問童子，
言師採藥去。
只在此山中，
雲深不知處。

錦瑟 李商隱

錦瑟無端五十弦，
一弦一柱思華年。
莊生曉夢迷蝴蝶，
望帝春心託杜鵑。
滄海月明珠有淚，
藍田日暖玉生煙。
此情可待成追憶，
只是當時已惘然。

江雪 柳宗元

千山鳥飛絕，
萬徑人蹤滅。
孤舟蓑笠翁，
獨釣寒江雪。

清明 杜牧

清明時節雨紛紛，
路上行人欲斷魂。
借問酒家何處有，
牧童遙指杏花村。

庭中有奇樹

庭中有奇樹，
綠葉發華滋。
攀條折其榮，
將以遺所思。
馨香盈懷袖，
路遠莫致之。
此物何足貴，
但感別經時。

飲湖上初晴後雨 蘇軾

水光瀲灩晴方好，
山色空濛雨亦奇。
欲把西湖比西子，
淡妝濃抹總相宜。

迢迢牽牛星

迢迢牽牛星，
皎皎河漢女。
纖纖擢素手，
札札弄機杼。
終日不成章，
泣涕零如雨；
河漢清且淺，
相去復幾許！
盈盈一水間，
脈脈不得語。